



Ko izađe iz pokornosti i napusti džemat pa umre, njegova smrt je džahilijetska

Od Ebu Hurejre, radijallahu anhu, se prenosi da je Allahov Poslanik, sallallahu 'alejhi ve sellem, kazao: "Ko izađe iz pokornosti i napusti džemat pa umre, njegova smrt je džahilijetska. Onaj ko se bude borio radi neistine, ljutio se radi pripadnosti plemenu, pozivao i pomogao samo na osnovu toga, pa umre u takvom stanju, i njegova smrt je džahilijetska. Onaj ko ustane protiv mog ummeta ubijajući i pobožne i grešne robove, ne izbjegavajući vjernike i ne ispunjavajući ugovore, takav nije od mene, niti sam od njega."

[صحيح] [رواه مسلم]

Allahov Poslanik, sallallahu alejhi ve sellem, pojašnjava nam da onaj ko se povuče od pokornosti vladarima i napusti zajednicu muslimana, te umre na tome, umro je na džahilijetski način. To su oni koji ne iskazuju poslušnost prema vladarima i ne osjećaju se dijelom zajednice muslimana, već su naprotiv, raspodijeljeni u grupice ubijajući jedni druge. Poslanik nas je također obavijestio o onome ko se bori pod zastavom za koju ne zna da li se njome podržava istina ili ne. Takav se ljuti isključivo radi plemenske pripadnosti, a ne radi istine i ove vjere. Kada se taj bori i umre u tom stanju, i njegova smrt će biti džahilijetska. Onaj ko ustane protiv ummeta Allahovog Poslanika, sallallahu alejhi ve sellem, ubijajući pobožne i grešnike, ne prezajući od ubijanja i nanošenja štete vjernicima i ne ispunjavajući potrebne ugovore sa vladarima ili sa nevjernicima - učinio je veliki grijeh. Ko se u ovo upusti zaslužuje silnu kaznu.

<https://sunnah.global/hadeeth/bs/show/58218>

